

## NAMIBIA SENIOR SECONDARY CERTIFICATE

FIRST LANGUAGE THIMBUKUSHU ORDINARY LEVEL

4112/3

PAPER 3 Literature

2 hours

Marks 60

2019

Additional Materials: Answer Book

### INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**. Of the three answers, **one** must be an essay.
- Pay attention to spelling, punctuation and sentence structure.
- The number of marks is given in brackets [ ] at the end of each question or part question.

### MARAWERO NOMAPATHWERERO KWAMUHATI KUMAKONAKONO

- Tjange mahuthero ghoye muMbapira dho Kuhuthera edhi hana tapa.
- Tjange Nomora dhoDyango, Nomora dhaMuhati Kumakonakono noDina paMbapira dho Kuhuthera.
- Tjange nokatjangitho kothinadiwiru ngambi kokeru.
- Wa rughanitha thidhingununithe thomeyu-meyu.
- Huthe mepwero **mahatu**, **dyofotji** mumutara A-**Mitanuro**, **dyofotji** mumutara B-**Yithimwetwedhatjanga** no **dyofotji** mumutara C-**Yipepa**. Mogho mahuthero mahatu, **dyofotji** po di kare dyopamuhingo gho kuthimwetwedha (dyodire).
- Kuthotera thikuma kumashashero, yitoyadimukitho nomarongathaneno ghoyighamba.
- Mapenda gha pwa kutura mutuhaki [ ] kughuhura gho kehe dipwero ngambi mutara ghodipwero.

This document consists of **9** printed pages and **3** blank pages.



Republic of Namibia

MINISTRY OF EDUCATION, ARTS AND CULTURE

## MUTARA A: MITANURO

Torore po dipwero **dyofotji** mumutara ghu.

- 1 Toye mutanuro “**Mumbukushu**” mu**Perere**, munyima po hutha mepwero agha hana ka kwipura ko.

### Mumbukushu

Kupi gha tunda no ngepi di gheya?  
Thithimwetwedha thothitetu thi;  
Ngo yowe ghu kara nhwa!  
Gheya ghu gha vaghana makore.  
Yoyishi thiyambi, gha mu shwedha nyama;  
Muve ghoghuyeghave mbadi wa thigha;  
Mumudingi mbadi mwa pira kambuto  
Ghuteringana mumayana, marware nomaputa.

Thinda gha kutoya eshi “Mukokuhu”.  
Ndimi dhokughamba kudhitharwera;  
Kumukavaghukera, dighamene kuwiru.  
Mbadi gha gha thipanga mate wangu,  
Ghupata ghoghukuru wa mu yarera,  
Gho kuteringana matunga ghomaheya.  
Yo ha kuharanganyena yira nyitji dhokufudhera  
Kukukungeka pofotji, ngo yowe ghu yapa eshi diwende,  
Mawe, ne! ThaKakuwe muromba mbuto kwanyina  
Thotha mu pa mutwi.

Nunderero dhendi ne kudikuruviya dyaMashi;  
Gha vaghana Diwe dyaNgumbi ngambi Tamatja tarara.  
MuGhutunda waRanda ghana tungu mo.  
Tunda Gumare ghana yendi kuRunyungu;  
Mumbukushu ghana ndandama shime,  
Madyero ghoyimuna ne thothitambo,  
Rupadhi ru neya karo muMusho naNgweze;  
Diyeve na tumbu noyikusho yendi,

Diwaneka waGhuruyi na yumbuka mutjima!  
Mumbukushu na kengena muRuyana ngambi Dumbi,  
Kanyombwe ka neya mukuthuko nomurarero ne muhuthi.  
Kangumbe na dhi wera mumuro ghondhovu;  
Kuna bubukera ne rwaKavango,  
Mumbukushu na tungu dya kya dya tokera.  
Thithimwetwedha thothiheya patunwa twa thi wana,  
Kate ghuneya munyenge ghoyikuhonga;  
Mumbukushu naye na twetha kutjanga no kutoya,  
Ngcamu dhaNyambi dhikukutu mwaheya.

*(D. M. Disho)*

- (a) Tape thighamba mumutanuro ethi thina kukuneghedha eshi Mumbukushu ne kukurangurura kughamba? [2]
- (b) Yidye ghana kughamba mumutanuro? [2]
- (c) Ngepi ghana rughanitha mutanuri ndimi mu kuneghedha eshi yihokoka yomumutanuro ghu kwa hokokire mughuye ghokare-kare? [3]
- (d) Thitambo munye gha tjangere mutjangi mutanuro ghuno? [4]
- (e) Ndimi noyighamba munye mumutamuro eyi yina kuneghedha eshi mutanuri kuna kushingonona Mumbukushu mumuhingo ghoghuyi? Rughanithe dighano dyomumutanuro mu kutanaritha yihutha yoye. [4]
- (f) Tjwathanithe mbudhi edhi dhi di muthimingwa thoghuhatu? [5]

**[20]****NGAMBI**

- 2 Toye mutanuro “**Thimangoyu**” mu**Muvurukerashako**, munyima po hutha mepwero agha ghana ka randa ko.

### **Thimangoyu**

Yikaritha yendi  
 Yoyina kukuneghedha  
 Rukwatitho rwendi  
 Nowe mbadiko mathipa  
 Mbadi ya yogha yishupata  
 Huki nowe shañakatera

Ponde ponde ko nowe  
 Ngwa ghuna haka yoyishu  
 Na kuhenyithera thikote thokongwa  
 No na mbakwera ghuvyathaghura  
 Rupara ne muwa, ene mushidikadhi  
 Naye namwanendi vene

Pakushigha diyuwa  
 Na ka mana kwendi shamurikero  
 Mwana mbadi wa hengaghura  
 Ene yomutangereri mukaye  
 Aye naye yikoreritha  
 Mudhimu wamwanendi ghana kupagha

Mukihu ene nerupa keho  
 Mununu ene na yondo keho  
 Yinye yi? Ghumango  
 Mukanwa ne munembo  
 Hashere hana twama keho  
 Eshi ha tape maghano.

Tutughuru na demena  
 Diho yira mushosho  
 Oya ghana shwena  
 No ghumwe ghana dodoritha  
 Hamwe honyi ka wana vendwa  
 Ghana hanyitha yikorwa mumukunda

Futo kehepa kuwana vene  
 Yoyishi mughurithi ghoyipo yendi  
 Kate yina mu retera ghuyondi  
 Kuthipangero tuna twara  
 Hana mu yakunutha mungonda  
 Ghukuhohotera ene mbadi shi ghuhothi

Ngwa yoyi tuna kuyuvanga nomatwi  
 Yikorwa yishiwana maghamwenitho  
 Ene yina mu djovora ne keho  
 Tukukunge twanu twahe  
 Thimangoyu mone na tu thighi  
 Ngepi sho tu mu dire Thimangoyu?

*(Nikolaus Thiremo)*

- (a)** Ngepi ghana kuneghedha mutjangi kwawatoyi edi ghuna gumu ghukaro waThimangoyu mwanendi nawakamukunda waheya?

Ghure ghomañando gha kume ku **125 – 150**.

[10]

- (b)** Pashanye ghuna kughayara sho ghu karere mutanuro ghuno mudyo kwawateghereri homudyarero dino?

Ghure ghomañando gha kume ku **125 – 150**.

[10]

**[20]**

## MUTARA B: YITHIMWETWEDHATJANGA

Torore po dipwero **dyofotji** mumutara ghu.

### 3 Mushere: R. M. Kandjungu

Muyota ghohasha po muyiRumburu, yo ghana kutuma keho ghepudhure makuwa ngo gha kuna ghure tuwe twaTuhadeleni. Muyota, ngeshi mbadi wa mu dimuka, kukuyota oku ghana himi.

Mukuwa ghana ka mu wana murume ghothendi. Baas Kremplich, gha kara nofarama dhendi pepi naKamatamati, muGhutjo. Mundovetji ghomapo ngeno. Mughuye ghuya ye ne gha di nomanyinga gho kukuma kuN\$10 000,00. Thifanu mbadi ghoghutungi ne kukuyandheritha ko. Ngaminga mundhugho dhendi dhomakutumeno, kuwana mo nofunguna mo dhi di. Murume yu ne ko kughura po kawe kofotji nomayovi mahatu ghomadola.

Ghuthiku ghu Muyota mbadi gha rara keho turo, ghana shana kumona eshi kupi sho gha pake Tuhadeleni didhimawe dyendi. Murume ghothendi gha hana kudimuka eshi oyu murume ne mukukutu, ko kupaka masherenyi ghendi gha kumuthato. Nane yoyihe yi ne mumeho ghaMuyota. Ghuthiku na nyonyotha rukeru yu no ka shimba manyinga ghaya.

Dihudhi keho eshi ndhugho ne dha kara notutarero totumbiru thikuma otu twa ndhakamena kuwiru-wiru dhoyipereki, ghomunu mbadi wa kukona keho kushwagha mundhugho dhi, ngeshi mbadi ghuna pitera muthero. Matjapi ne kwaAmunyela. Yo gho kupindutha tango kughutho gho kuninga eshi ghu shwaghe.

- (a) Thitambo munye ghana kuturera mutjangi mupepi Muyota gha twethe mandimi ghomengi? [2]
- (b) “Matjapi ne kwaAmunyela, yo gho kupindutha tango kughutho gho kuninga eshi ghu shwaghe”. Ghukaro munye ghana kushana mutjangi kutura mwaTuhadeleni koyu Amunyela pakuyongara didhimawe dyendi? [2]
- (c) Ngepi ghana kutjakitha mutjangi hapepi wendi wano, Karwero naFumu mumuhingo ghorushuturitho ghokukutu ghokwaMuyota? [3]
- (d) Ngepi ghana kushwaghitha mutjangi yikuyuva yaMuyota oku yepaghudidi ghomuthipangero nodiho dyofotji? [4]
- (e) Pashanye gheyere mo makutjindjo ghomawa muyipara yaMuyota apa gha ka tungire pambongi muVinduka? [4]
- (f) Ghukaro munye ghana kuneghedha mutjangi mwaBoro ghomupiterithi wawakashure pakwidhanga Muyota yitere? Yitamenedhi munye yoyighamba eyi yina kuneghedha ghukaro ghu? [5]

[20]

## NGAMBI

**4 “Mwaka wa toye wiho”: Muyota Panaghenyi**

Yighayara munye gha kara nayo mutjangi yokuhatera mena ghawawiha muthitjo thothiAfrika, no ngepi ghana kububura yighayara yorudhi ro kwawatoyi?

Ghure ghomañando gha kume ku **250 – 300**.

**[20]**

**MUTARA C: YIPEPA**

Torero po dipwero **dyofotji** mumutara ghu.

**5 Fumu Diyeve: E.T. Munika na A. M. Dikuwa**

**Fumu:** Mu nyangwe mwahe mwakaTanhwe, muna yi mono eshi nye nga yi ni hokokera pano ñanyi-ñanyi. Pano ni di shime na tokotera mutjima wange, yodigho shi mbadi na kukwata kungombe dhi nga ka ni tumena Thikuma.

Yodigho na mwithera shi mu shimbe mwe ngombe dhi mu ka dye ndi mu ka mune momu muna hakera.

*(Fumu po gha tangire kutapa ngombe dhi kwawapika. Kwakehe mupika ngombe yofotji-yofotji.)*

**Mbamba:** Nyanu! Ame na shana kwipura.

**Fumu:** Wipure wangu murume wange.

**Mbamba:** Thirudhi thi ne thikuru mbadi wa kukona kuhanya tu tunge kumango ghamweya ndi?

**Fumu:** Dighano dyodiwa dyo, ene tango tu yuve shi nye hana kughayara ko hapika.

**Hapika:** Atwe fumu ne ngeno tuna kughayara. Fumu Diyeve gha kukarere nombara dhendi, ene dighumbo ne dyofotji.

**Fumu:** Mu tende momu muna kuyighayarera, yoyishi yitunga yopithoye na yi mono keho me, mbadi ya rogga.

- (a) “Mu nyangwe mwahe mwakaTanhwe.” Nye thina kutongora thighamba thi no yikuyuva munye thina reta mwawapika? [2]
- (b) Shingonone ghukaro waHerekadhi muthipepa thi. Tanarithe yihutha yoye noyi gha tendire muthipepa thi. [2]
- (c) Mupepi munye ghodisheve muthipepa thi? Tape ko yitamenedhi yiwadi edi gha yi neghedha muthipepa thi. [3]
- (d) Ngepi edi ghana kutjindja mutjangi yikuyuva yoye yokwafumu parurvedhe rothirika norurvedhe royifa yaShathighambo? [4]
- (e) Tape makurando ghomango mane noyikuruhokoka yapo muthipepa thi. [4]
- (f) Nongonone memaneno ghamutjangi koyokuhatera yinyanda yawapika kumiragho dhothifumu pakare? [5]

**[20]**

**NGAMBI**



**6 Wange ne Wange: N. Thiremo**

Ngepi ghuna kughayara edi hana kukunonga hapepi noyihokoka yomumbapira Wange ne Wange, mu kuyiyedhekeritha noghushemwa ghomuyipara yawanu?

Ghure ghomañando gha kume ku **250 – 300**.

**[20]**

**BLANK PAGE**

**BLANK PAGE**

**BLANK PAGE**

